

官常典第七百三十六卷

忠烈部名臣列傳三十一

明二 張昺 謝貴 彭二 程亨

按明外史本傳昺澤州人洪武中舉人材累官工部右侍郎謝貴者不知所六日會朝廷遣人逮燕指揮僉事坐法降河南衛指揮僉事建文帝卽位廷臣議削奪諸藩更置守臣乃以昺爲北平布政使而以貴爲都指揮使並受密命伺察燕事至則王稱疾久不出謀甚祕昺知必有變乃部署在城七衛及屯田軍士列九門防守燕將張玉朱能屢請王起兵建文元年七月六日會朝廷遣人逮燕府官校王僞縛官校置庭中將付使者給昺貴入至端禮門爲伏兵所執昺貴不屈死張玉等遂率勇士攻九門克其八獨西直門不下都指揮彭二躍馬呼市中曰燕王反從我殺賊者賞集兵千餘人將攻端禮門王遣健士格殺二兵散盡奪九門初昺被殺屍得還葬靖難後族昺家焚殺其近戚程亨等并出昺屍焚之福王時贈昺太子太保工部尙書諡節愍貴英山伯諡勇敢二舒城伯諡武壯

萬誠 盧振 余逢辰 杜奇

按明外史本傳誠未詳何許人爲燕王府長史建文初王使誠奏事京師帝召見問府中事誠具以實對遣還王伴病盛暑擁爐坐呼寒曷貴等入問疾誠言王實無病宜爲備誠又密疏聞帝得燕密謀蹤跡卽發符逮府官校曷貴旣死誠以與謀被殺護衛指揮盧振受曷貴指與誠爲內應至是亦死與誠俱族余逢辰者字彥章宣城人有學行爲燕府伴讀王信任之以故得聞異謀乘間力諫知變將作貽書其子誓必死及兵起復泣諫言君父兩不可負死之北平人杜奇燕王起兵徵才雋士入府奇極諫當守臣節王怒立斬之福王時贈誠大理少卿諡果愍振都督同知逢辰苑馬少卿諡忠愍奇翰林檢討諡貞直

宋忠 余瑱 彭聚 孫泰

按明外史本傳忠不知何許人洪武末爲錦衣衛指揮使百戶有非罪論死者忠疏救御史劾之太祖曰忠率直無隱爲人請命何罪爲並宥百戶尋爲僉都御史劉觀所劾調鳳陽中衛指揮使三十年平羌將軍齊讓征西南無功以忠爲參將從將軍楊文討之師旋復官錦衣建文元年忠以都督

奉勅總邊兵三萬屯開平悉簡燕府護衛壯士從忠聽忠節制又以都督徐凱屯臨清耿璉屯山海相爲犄角北平故有永清左右衛忠調其左屯彰德右屯順德約張昺謝貴葛誠爲內應以圖燕燕王殺昺等起兵忠率兵至居庸關關已失守不得進退保懷來燕王度忠必爭居庸率精兵八千卷甲倍道趨懷來獲諜者言忠謂將士爾等家在北平者並爲燕屠滅盍努力復讎報國恩燕王急令其家人張故旗幟爲前鋒呼其父兄弟相問勞諸將咸喜曰我家固亡恙宋總兵欺我倒戈走忠倉卒布陣未成列燕王一麾渡河鼓譟進忠敗死之忠之守懷來也都指揮余瑱彭聚孫泰與俱及戰瑱被執不屈死泰中流矢血被甲裹創力鬪與聚俱陷陣亡當是時諸將校爲燕所俘者百餘人皆不肯降以死惜姓名多不可考福王時贈忠壽昌伯諡壯愍瑱東陽伯諡翼愍泰象山伯諡勇愍聚左都督

卜萬 馬宣 曾溶 朱鑑

按明外史本傳萬不知何許人建文初以都指揮守大寧燕師起萬與都督劉真陳亨出兵扼松亭關亨欲降燕畏萬不敢發燕行反間貽萬書盛稱萬極詆亨厚賞所獲大寧卒緘書衣中俾密與萬

故使同獲卒見之卒問守者守者曰遣歸通密書於上都司以故得厚賞卒跪告守者請俱遣冀得賞而竟不與賞不得賞者發其事真亨搜卒衣得書遂執萬下獄死籍其家已而燕王襲破大寧真亨還救亨遂襲走真以降當大寧未破時守薊州者有都指揮馬宣張玉謂燕王曰薊州外接大寧兵多騎士三河潞河躍馬可渡不亟攻之爲後患會宣發兵將攻北平與燕兵戰於公樂驛而敗退保薊州與鎮撫曾溶城守玉等急攻城宣出戰被擒罵不絕口與溶同不屈死時守大寧者有指揮使朱鑑亦力戰不屈死福王時贈宣全椒伯諡忠壯萬左都督鑑含山伯諡壯烈溶指揮

瞿能 滕聚 莊得 楚智 卓旗張 王指揮

按明外史本傳能合肥人父通以開國功累官都督僉事能嗣官以四川都督指揮使從藍玉出大渡河擊西番有功又以副總兵從都督聶緯討建昌叛酋月魯帖木兒又從玉破賊雙狼塞燕師起從李景隆爲裨將攻北平與其子率精騎千餘攻張掖門垂克景隆忌之令候大軍同進於是燕人夜汲水沃城方大寒冰凝滑不可登景隆卒致大敗已又從景隆進駐白溝河與燕師戰能父子奮擊所向披靡日暝各收軍明日復戰燕王幾爲所及王急佯招後軍以疑之得脫去薄暮能復引衆

搏戰大呼滅燕斬馘數百指揮俞通淵滕聚復率衆來會會旋風起王突入馳擊遂斬能父子通淵聚俱死精兵萬餘人並沒南軍由是不振福王時贈能平陽伯諡襄烈聚都督同知通淵別有傳時與北兵戰死者有宋忠麾下都指揮莊得懷來之敗得一軍獨全後從盛庸戰夾河斬燕將譚淵已而北兵以驍騎乘暮掩擊得力戰與楚智阜旗張皆死焉智亦都指揮嘗從馮勝藍玉出塞有功建文初守北平尋召還從李景隆率騎兵戰輒奮北人望旗幟股栗至是馬陷被執死阜旗張逸其名或曰張能力挽千斤以都指揮充偏將每戰輒麾阜旗先驅軍中呼阜旗張戰死時執阜旗不仆而王指揮者臨淮人國初功臣子常騎小馬軍中呼小馬王戰白溝河被重創脫胄付其僕曰吾爲國死以此報家人立馬植戈而死二人死尤異云福王時贈得分水伯諡勇愍阜旗張淳安伯諡英烈智左都督小馬王都督同知

俞通淵

按明外史俞通海傳通海弟通淵以父兄故充參侍舍人從大將軍徐達征秦隴燕趙以功授都督府僉事征哈剌哈至捕魚兒海獲酋長人畜甚衆練軍荊州轉粟二十萬石餉江西又征都勻龍場

諸蠻峒克辰沅寶慶俘獲多洪武二十五年封通淵越嵩侯食祿二千五百石予世券率師討建昌叛賊城越嵩明年坐累罷侯遣還里建文元年召爲豹略衛指揮使戰沒白溝河子翊先卒次靖嗣官福王時追贈通淵嵩國公諡襄烈

葉方茂

按汝寧府志方茂光州人靖難兵起方茂官北平布政抗節力諫阻其前鋒不聽乃自持鐵杵奮擊誤中副車上怒斬之

萬鍾

按明外史萬斌傳斌子鍾襲龍驤衛副千戶數從征有功遷寧波衛指揮僉事賜誥世襲自是爲寧波人建文元年燕師起從長興侯耿炳文北征力戰於大興之花園死之

儲福

按明外史本傳福無錫人洪武中戍卒隸籍燕山衛以好義稱燕兵起挈母妻以行仰天哭曰福雖一介賤卒義不爲從逆之臣日夜號泣竟不食死妻范與其母營地葬之范時年二十居貧奉姑甚

謹每哭其夫則走山谷中大號不欲姑聞之也有官聞其美而欲娶之已知其節孝狀乃止一日范澣衣澗邊見草生如蓆草因取織蓆鬻以養姑年七十餘卒營葬廬於墓旁年八十餘卒卒後蓆草不復生土人義之卽其廬爲祠祀之福王時贈福指揮使諡貞義妻贈淑人諡孝節

倪諒

按遜國正氣紀左護衛千戶倪諒與盧振友善覘燕必變預告府中事逮官校於諒周鐸等伏誅燕王恨之及靖難兵起諒追捕至將殺責其不忠諒曰此政臣忠處族之壯者戍邊瘡幼者刺離間親王四字充錦衣衛鞍轡局軍

張昌

按遜國正氣紀內官張昌一名長壽與段實素以忠義相勗恥與諸中官伍昌奉差爲真定監軍悉心防禦旣被執道死

朱榮

按遜國正氣紀榮都指揮守真定與燕兵屢戰有功蹶被獲憤嘔而死

古今圖書集成
四
花英 鄭琦 王恭 詹忠

按遼國正氣紀花英鄭琦王恭皆都指揮使定州之役與指揮詹忠連陣敵燕旣敗績俱被執送北平英自殺琦恭忠憤死於獄

詹璟

按遼國正氣紀璟指揮燕兵拔東平璟被執送北平道自殺

唐禮

按遼國正氣紀禮官都指揮徐凱滄州之敗盛庸引兵出德州營於東昌令禮將騎兵殿後而以孫霖爲先鋒營滑口北兵夜襲破之禮被執不屈死

薛鵬

弟鳳

按遼國正氣紀指揮薛鵬與靖難兵戰於汶上先勝後忽敗被執送北平道卒弟鳳自縊

林真

按福建通志真字子純閩縣人洪武癸酉舉人任濮州知州靖難兵入境大罵不絕綁桅杆上用亂

箭射死

黃銅

按福建通志銅字孔鑄長樂人洪武庚午舉人爲光州守會靖難師至詔密戒諸將毋殺皇叔父銅憤且泣曰吾當奮死爲之甘心族灰及舟戰遂親手矛前刺竟自蹶舟中不得中復陸戰被獲長笑殺死

劉樸

按寧波府志樸字維素洪武間由太學生授建章參軍時海寇爲難樸指示方略卒賴以安擢知獲鹿縣課農桑興學校稱治平第一靖難師起南下井陘平山諸邑皆望風歸附樸曰小臣知有君知有君之父何知有君之叔山河自古歸真主誰敢回天臣別人各行素心願言塗地遂不屈而死

向朴 鄭恕 鄭華

按明外史顏伯瑋傳其爲知縣與伯瑋先後死者向朴慈谿人力學養親洪武末以人材召見授獻縣知縣縣無城郭集民兵與燕將譚淵戰被執懷印死鄭恕仙居人蕭縣知縣燕將王聰破蕭不屈

死籍其家二女當配亦死之又臨海人鄭華由行人貶東平州吏目燕兵至州長貳盡棄城走華謂妻蕭曰吾義必死奈若年少蕭泣曰君不負國妾敢負君華曰足矣率吏民憑城固守城破力戰不屈死福王時諡朴惠莊愬惠節華貞莊贈太僕少卿

王省

按明外史本傳省字子職吉水人洪武五年領鄉舉至京詔免會試命吏部授官省言親老乞歸養尋以文學徵太祖親試稱旨當殊擢自陳才薄親老乞便養授浮梁教諭凡三爲教官最後得濟陽燕兵至爲游兵所執從容引譬詞義慷慨衆舍省省歸坐明倫堂伐鼓聚諸生謂曰若等知此堂何名今日君臣之義何如因大哭諸生亦哭省以頭觸柱死女靜適卽墨簿周岐鳳聞燕兵至濟謂父必死三遣人往訪竟得遺骸歸葬福王時贈省禮部員外郎諡貞烈

陳顯

按同安縣志顯以經魁知德州太宗時爲燕王廉其才辟掌書記嘗承奕諷諫旋以病告靖難初遣使召顯夜沐浴具衣冠再拜而死

朱思平

按天台縣志思平字廷準南豐令行中子由太學生中京府試第六會試爲劉三吾所拔將冠多士以五策多中時忌置後除中書舍人建文朝命爲翰林院侍書與宋懌劉彥銘黃淮等日侍左右以備顧問多所啟沃上御經筵問朱陸同異答曰同是反求吾心上深是之時親老乞歸省詔馳傳還鄉方正學率詞林君子賦詩餞之靖難時思平在籍聞變長號涕泣作哀君王詞四首飲藥而卒

哈三帖木兒 林帖木兒 婁鬼里

按遜國正氣紀騎將哈三帖木兒者胡人也性猛而忠號敢戰隸火耳灰麾下從平安於淝河安斬燕將王真引騎兵三千駐北岸高城燕王恃帝禁以數十騎當之諸將相顧錯愕耳灰持矛直刺王前相距不數步燕將童信引弓中其馬馬踣遂生禽耳灰三帖木兒持稍突來救耳灰信復射之人馬俱仆并生禽之三帖木兒不屈死耳灰亡林帖木兒婁鬼里皆胡騎指揮慙直而勇渦河之戰被甲先登橫擊頗勝旣馬蹶被禽死之

胡觀

按定遠縣志觀東川侯海次子洪武朝兩尚公主靖難兵起觀力戰而死萬曆末詔建祠治城以旌其忠

李恂

按亳州志恂字恪如性忠烈而智過人學博才宏曉暢軍事登國初賢書明太祖不次擢用拔爲兵科諫議大夫再遷吏科給事先後執政赫赫有聲以交趾背叛羣僚咸舉恂爲大總戎帥師入蜀以征不庭值文皇帝靖難踐祚恂勒兵於蜀不朝及勅諭招來乃自縊使臣反命文皇帝曰此真忠孝雙全者也嘆惜久之後入本州學鄉賢祠享祀不絕

陳植 邊昇 金有聲 樊士信

按明外史本傳植廬江人元舉鄉試不仕洪武間官吏部主事建文二年官兵部右侍郎燕兵臨江植監戰江上慷慨誓師部將有議迎降者植責以大義甚厲部將遂殺植以降且邀賞燕王怒立誅部將具棺殮植遣官護葬白石山上家屬皆變姓名走匿無一人敢會葬者福王時追諡建文諸臣有言邊昇者滎澤人爲兵部侍郎燕兵至不屈死金有聲者河南人爲刑部侍郎徵兵江西爲南昌

衛官縛至京死遂俱贈太子太保本部尙書諡昇果愍有聲翼愍或云金侍郎者卽純純實不死仕永樂中至尙書而兵部主事樊士信者應城人守淮力拒燕兵死之福王時追贈光祿少卿諡莊愍云

齊泰

按明外史本傳泰溧水人初名德洪武十七年舉應天鄉試第一明年成進士歷禮兵二部主事雷震謹身殿太祖禱郊廟擇歷官九年無過者陪祀德與焉賜名泰二十八年以兵部郎中擢左侍郎太祖常問泰邊將姓名泰歷數無遺又問諸圖籍出袖中手冊以進簡要詳密太祖大奇之疾大漸召泰受顧命輔皇太孫建文帝素重泰命與黃子澄同參國政尋進尙書時諸王皆尊屬擁重兵地嫌勢逼遣詔諸王臨邸中毋奔喪王國吏民悉聽朝廷節制諸王謂泰矯皇考詔間骨肉皆不悅泰嘗使燕燕王厚餽泰受而致諸朝請爲兵費帝用是益倚重之建文元年朝議削諸藩泰欲先圖燕黃子澄不可燕兵起首以誅泰子澄爲名帝方委任泰兵事悉以付之泰請檄天下削燕屬籍聲罪致討或難之泰曰明其爲賊敵乃可克名正言順又何疑焉遂定議伐燕拜長興侯耿炳文爲大將

與李堅甯忠等分道進兵已而炳文敗子澄薦李景隆代將秦極言其不可子澄不聽其冬景隆敗帝有懼色會燕王上書極詆秦子澄帝乃解二人任以謝燕而陰留之京師俾參密議景隆遣燕王書言二人已竄可息兵歸藩燕王不聽明年盛庸捷東昌帝喜命二人任職如故夾河之敗復解二人官求罷兵燕王曰此緩我也進益急尋召秦還未至而京城不守秦走外郡謀興復時購秦急秦墨白馬走行稍遠汗出墨脫或曰此齊尙書馬也遂被執赴京不屈死之從兄弟敬宗等皆坐死叔時永陽彥等謫戍子甫六歲免死給配仁宗時赦還世宗時溧水知縣謝廷蒞建中山書院祀秦神宗時知縣徐良彥以其裔孫承恩爲諸生奉秦祀福王時贈太保諡節愍

楊本 周拱元

按明外史程濟傳本中牟人通禽遁之術初爲太學生建文中以才略應募授錦衣鎮撫從李景隆北伐有功景隆忌不以聞尋以孤軍獨出被擒繫北平獄後被殺周拱元者亦爲錦衣鎮撫明占候引步卒防餉艘燕師至死之福王時本拱元並贈都指揮

顏伯瑋 子有爲

唐子清 黃謙

按明外史本傳伯瑋名瓌以字行廬陵人唐魯國公眞卿後建文元年以賢良徵授沛縣知縣李景隆屯德州沛人終歲輓運伯瑋善規畫得不困會設豐沛軍民指揮司乃集民兵五千人築七堡爲備禦尋調其兵益山東所存疲弱不任戰燕兵攻沛伯瑋遣縣丞胡先間行至徐州告急援不至遂命其弟珏子有爲還家待父題詩公署壁上誓必死燕兵夜入東門指揮王顯迎降伯瑋冠帶升堂南向拜畢自經死有爲不忍去復還見父屍自刎父旁沛主簿唐子清典史黃謙俱被執燕將欲釋子清子清曰願隨顏公地下遂死之又遣謙往徐州招降謙不從亦死福王時贈伯瑋太僕少卿諡忠惠有爲翰林待詔諡孝節諡子清義節謙果義並贈工部員外郎

易紹宗

按明外史忠義傳紹宗攸縣人洪武時從軍北伐累功授象山縣錢倉所千戶建文三年倭寇登岸剽掠紹宗大書於壁曰設將禦敵設軍衛民縱敵不忠棄民不仁不忠不仁何以爲臣爲臣不職何以爲人書畢命妻李氏具牲酒生奠之與訣而出乃密令遊兵從間道焚其舟賊驚救紹宗直前格戰殺賊無算追擊至海岸淖深馬陷賊還攻之猶手刃數十賊遂死焉其妻攜孤赴奏詔賜葬祭勒

古今圖書集成
八
碑旌之

賈榮

按遜國正氣紀指揮賈榮湖廣興國人勇敢自負建文三年與燕將朱能戰於衡水被禽不屈送北平道死

王彬 崇剛

按明外史本傳彬字文質東平人洪武中進士拜監察御史巡按江淮駐揚州北平兵至彬與鎮撫崇剛嬰城堅守時盛庸兵旣敗人無固志守將王禮謀舉城降彬執之及其黨繫獄剛出練兵彬修守具晝夜不解甲有力士能舉千斤彬嘗以自隨燕兵飛書城中縛王御史降者官三品左右憚力士莫敢動禮弟崇厚賂力士母誘其子出乘彬解甲浴猝縛之出禮於獄開門納燕師彬與剛皆不屈死福王時贈彬太僕卿諡忠莊剛德清伯諡壯愍

鐵鉉

按明外史本傳鉉鄧人洪武中由國子生授禮科給事中調都督府斷事嘗獻疑獄立白太祖喜字